



Xalq so'zi

O'zbekiston —
kelajagi
buyuk
davlat

2025-YIL — ATROF-MUHITNI ASRASH VA "YASHIL" IQTISODIYOT YILI

1991-yil 1-yanvardan chiqqan boshlagan

WWW.XS.UZ • E-mail: info@xs.uz

2025 yil 20-fevral, № 36 (8931)

Payshanba

Saytimizga o'tish uchun QR-kodni telefoningiz orqali skaner qiling.



ZIYORATCHILARGA QULAYLIK YARATISHDA SAUDIYA ARABISTONI BILAN HAMKORLIK YANADA MUSTAHKAMLANADI

O'zbekiston Respublikasi Prezidenti Shavkat Mirziyoyev 19-fevral kuni mamlakatimizda tashrif bilan bo'lib turgan Saudiya Arabistoni Podshohligi haj va umra ishlari vaziri Tavfiq bin Favzon ar-Rabia boshchiligidagi delegatsiyani qabul qildi.



Uchrashuv avvalida yuqori martabali mehmon davlatimiz rahbariga Saudiya Arabistoni Podshohi Salmon Ol Saud va Valiahd, mamlakat Bosh vaziri Muhammad Ol Saudning salomi va samimiy tilaklarini yetkazdi. Vazir, shuningdek, Podshohning ko'p millatli O'zbekiston xalqiga hadyasi — muqaddas Ka'ba yopinchi'g'i kisvaning bir parchasini topshirdi.

O'zbekiston yetakchisi, o'z navbatida, Saudiya Arabistoni rahbariyatiga bebaho tuhfa hamda ziyoratchilarimizning musulmon dunyosi markazlari — Makka va Madinada bo'lishi uchun yaratilgan imkoniyatlar va qulay sharoitlar uchun chuqur minnatdorlik bildirdi. Birgina o'tgan yilning o'zida 800 mingdan ziyod fuqarolarimiz Umra ziyoratini, 15 ming nafari Haj ibodatini ado etdi.

Suhbat chog'ida o'zbekistonlik ziyoratchilarga shart-sharoitlar va ko'rsatilayotgan xizmatlar sifatini yanada yaxshilash, ularning Saudiya Arabistoniga tashrifi xavfsiz va qulay bo'lishini ta'minlash masalalariga alohida e'tibor qaratildi.

O'zbekiston Respublikasi Prezidenti Matbuot xizmati surati.

ENERGIYA SAMARADORLIGINI OSHIRISHNING USTUVOR YO'NALISHLARI BELGILAB BERILDI

Prezident Shavkat Mirziyoyev 19-fevral kuni energiya samaradorligini oshirish bo'yicha takliflar taqdimoti bilan tanishdi.

Bu haqda 28-yanvarda elektr energetikasini rivojlantirish bo'yicha o'tgan yig'ilishda topshiriq berilgan edi.

Mamlakatimizda energiya quvvatlari aholi va iqtisodiyot tarmoqlarining o'suvchan talabiga mos ravishda oshirib borilmoqda. Xususan, o'tgan yili 50 milliard kubometr tabiiy gaz, 81 milliard kilovatt-soat elektr ishlab chiqarildi.

2035-yilga borib elektr iste'moli hozirgidan 1,7 barobar oshishi hisob-kitob qilingan. Bu talabni to'liq qondirish uchun faqat ishlab chiqarish emas, tejamlilik ham zarur.

Tahlillarga ko'ra O'zbekistonda 1 dollarlik yalpi ichki mahsulot yaratish uchun dunyodagi o'tacha ko'rsatkichdan 2,5 barobar ko'p energiya sarflanyapti. Elektr tarmoqlaridagi yo'qotishlar 14 foiz, tabiiy gazda esa 7 foizdan yuqori.

Shu bois olimlar jalb qilinib, joylarda energiyani tejash imkoniyatlari ilmiy asosda o'rganilmoqda. Hozirgacha 7 ta viloyatda 4,6 milliard kilovatt-soat elektr va 1 milliard kubometr gazni iqtisod qilish imkoniyatlari aniqlangan.

Taqdimotda shu kabi o'rganishlar asosida ishlab chiqilgan takliflar muhokama qilindi.

Misol uchun, suv xo'jaligidagi eski nasoslarni zamonaviysiga almashtirib, yiliga 1 milliard kilovatt-soat elektrni tejash

mumkin. Ijtimoiy muassasalarda qozonxonalarini yangilash, "yashil" energiyadan foydalanish orqali bu yil 5 million kubometr gaz, 15 million kilovatt-soat elektrni iqtisod qilsa bo'ladi.

Umuman, bu yil 1,6 milliard kubometr gaz va 3,5 milliard kilovatt-soat elektrni tejash mo'ljallangan. Buning uchun har bir korxonaga va tashkilotga ilmiy asoslangan chora-tadbirlar yetkaziladi.

Jumladan, yirik sanoat korxonalarida bir mahsulot birligi ishlab chiqarishga ketadigan energiya me'yori belgilanadi. Shuning o'zidan energiya sarfi 5 — 10 foizga qisqaradi. Ijtimoiy obyektlarda energiya tejamlilik uskunalarini o'rnatish bo'yicha manzillik dastur tasdiqlanadi.

Ko'p qavatli uylarda issiqlikni yaxshi saqlash uchun ularni izolatsiyalash kengaytiriladi. Xonadonlarda geliokollektor va quyosh paneli o'rnatishga arzon kreditlar beriladi. Iste'molchilar Yaponiya tajribasi asosida energiya tejash savodxonligi bo'yicha o'qitiladi.

Davlatimiz rahbari iqtisodiyotning barcha tarmoqlari, ijtimoiy soha va uy-joylarda tejamlilik muhimligini ta'kidladi. Hudud va tarmoqlar kesimida energiya isrofini kamaytirish, talon-torojliklarning oldini olish bo'yicha qat'iy ko'rsatmalar berildi.

O'zA.

O'zbekiston Respublikasi Prezidentining FARMONI

IKKINCHI JAHON URUSHI QATNASHCHILARINI RAG'BATLANTIRISH TO'G'RSIDA

Mamlakatimizda 9-may — Xotira va qadrlash kuni umumxalq bayrami sifatida keng nishonlanishi, shuningdek, Ikkinchi jahon urushida halok bo'lgan ajdodlarimiz xotirasini abadiylashtirish, bugun ham safimizda turib Vatanimizning obro'-e'tiborini yuksaltirishga, yoshlarni ma'naviy-axloqiy jihatdan tarbiyalashga hissa qo'shayotgan faxriylarni e'zozlash hamda Ikkinchi jahon urushida qozonilgan g'alabani 80 yilligi munosabati bilan urush qatnashchilari va nogironlarini, ularga tenglashtirilgan shaxslarni hamda 1941 — 1945-yillardagi urush davridagi mehnat fronti qatnashchilarini moddiy rag'batlantirish maqsadida:

1. Bir martalik pul mukofoti belgilansin. Ikkinchi jahon urushi qatnashchilari va nogironlarining har biriga 10 000 (o'n ming) AQSH dollari miqdorida;
- Ikkinchi jahon urushi qatnashchilariga tenglashtirilgan shaxslarning har biriga 25 000 000 (yigirma besh million) so'm miqdorida;
- 1941 — 1945-yillardagi urush davridagi

mehnat fronti qatnashchilarining har biriga 3 000 000 (uch million) so'm miqdorida.

2. Mazkur Farmonni bajarish bilan bog'liq bo'lgan sarf-xarajatlari O'zbekiston Respublikasining respublika byudjeti mablag'lari hisobidan amalga oshirilsin.

3. Qoraqalpog'iston Respublikasi Vazirlar Kengashi, viloyatlar va Toshkent shahar hokimliklari Mudofaa vazirligi, Davlat xavfsizlik xizmati, Ichki ishlar vazirligi, Milliy gvardiya, Iqtisodiyot va moliya vazirligi, Madaniyat vazirligi, Ijtimoiy himoya milliy agentligi, O'zbekiston mahallalari uyushmasi, Respublika Ma'naviyat va ma'rifat markazi, O'zbekiston faxriylarining ijtimoiy faoliyatini qo'llab-quvvatlash "Nuroniy" jamg'armasi bilan birgalikda Ikkinchi jahon urushi qatnashchilari va nogironlariga ushbu pul mukofoti tantanali hamda bayramona vaziyatda topshirilishini ta'minlasin.

4. Mazkur Farmonning ijrosini nazorat qilish O'zbekiston Respublikasi Bosh vaziri A.N.Aripov zimmasiga yuklansin.

O'zbekiston Respublikasi Prezidenti

Sh. MIRZIYOYEV

Toshkent shahri,
2025-yil 19-fevral

O'zbekiston Respublikasi Prezidentining QARORI

IKKINCHI JAHON URUSHIDA QOZONILGAN G'ALABANING 80 YILLIGI HAMDA XOTIRA VA QADRLASH KUNIGA TAYYORGARLIK KO'RISH VA MUNOSIB NISHONLASH TO'G'RSIDA

Mamlakatimizda 9-may — Xotira va qadrlash kunini keng nishonlash, Ikkinchi jahon urushida qozonilgan g'alabaga hissa qo'shgan urush va mehnat faxriylariga hamda Vatanaq, taraqqiyot va uning himoyasi uchun kurashgan buyuk ajdodlarimizga alohida e'tibor va chuqur ehtirom ko'rsatish, shuningdek, mustaqillik yillarida xizmat burchini bajarish chog'ida halok bo'lgan harbiy xizmatchilar va huquqni muhofaza qiluvchi organlar xodimlari xotirasini ulug'lash yurтимizda oliyanob qadriyatga aylangan.

Xalqimizning Vatanaq himoyasi yo'lidagi yuksak mardlik va qahramonliklari barcha avlodlar uchun namuna va ibrat maktabi vazifasini bajarib kelmoqda. Xususan, Ikkinchi jahon urushiga o'zbekistonliklarning 2 millionga yaqini safarbar etilib, shundan 538 ming nafardan ortig'i jang maydonlarida qahramonlarcha halok bo'lgan, 158 ming nafardan ortig'i bedarak yo'qolgan, mustaqillik yillarida 200 nafarga yaqin harbiy xizmatchilar va huquqni muhofaza qiluvchi organlar xodimlari mamlakatimizning tinchligi va osoyishtaligi yo'lida o'z jonini fido qilganlar.

Biz tinchlik va mustaqillik uchun o'z jonini ayamagan ota-bobolarimiz va mard o'g'lonlarimizning ulkan jasorati, matonati

hamda fidoyiliklarini yuragimizda abadiy saqlaymiz.

Ikkinchi jahon urushida qozonilgan g'alabani 80 yilligi hamda Xotira va qadrlash kuniga puxta tayyorgarlik ko'rish, uni yuksak darajada o'tkazish, O'zbekiston xalqining tarixiy qahramonligi, fidokorona mehnatini ulug'lash, yosh avlodni ona Vatanga sadoqatli, bugungi tinch, osoyishta hayotni asrab-avaylashga qodir insonlar etib tarbiyalash maqsadida:

1. Keng jamoatchilik vakillarining yurtimizda Ikkinchi jahon urushida qozonilgan g'alabani 80 yilligi hamda 9-may — Xotira va qadrlash kunini (keyingi o'rinlarda — Xotira va qadrlash kuni) "Vatanaq ravnaqi, tinchligi va himoyasi yo'lidagi qahramonlik unutilmaydi" shiori ostida o'tkazish to'g'risidagi taklifga rozilik berilsin.

2. Quyidagilar:

- 9-may — Xotira va qadrlash kuniga bag'ishlangan tadbirlarga tayyorgarlik ko'rish va ularni o'tkazish dasturi (keyingi o'rinlarda — Dastur) 1-ilovaga muvofiq;
- 9-may — Xotira va qadrlash kuniga bag'ishlangan tadbirlarga tayyorgarlik ko'rish va ularni o'tkazish bo'yicha ishchi guruh tarkibi 2-ilovaga muvofiq tasdiqlansin.

(Davomi 2-betda).



Parlament diplomatiyasi

MUSHTARAK MAQSADIAR SARI

Ozərbaycan poytaxtı Boku şəhərində bo'lib o'tayotgan Osiyo Parlament Assambleyasining 15-yalpi sessiyasida Oliy Majlis Senati Raisi Tanzila Norboyeva boshchiligidagi delegatsiya ishtirok etmoqda.

O'ttuzga yaqin davlatlarning parlament vakillari qatnashayotgan "Osiyoda ko'p tomonlama hamkorlikni mustahkamlashda parlament diplomatiyasining o'rni" mavzuidagi ushbu nufuzli majlisda mamlakatimiz yuqori palatasi rahbari nutq so'zlashdi.

U o'z ma'ruzasida parlament diplomatiyasi, qonun ijodkorligi sohasida tajriba almashish, ekologik xavfsizlik va iqlim o'zgarishlari borasidagi yechimlarni birga hal etish kabi qator tashabbuslarni ilgari surdi.



VIJDON ERKINLIGI HUQUQINI TA'MINLASH KAFOLATI

Bir guruh deputatlar tashabbusi asosida ishlab chiqilgan O'zbekiston Respublikasida fuqarolarning vijdon erkinligini ta'minlash va diniy sohadagi davlat siyosati konsepsiyasi hamda uni tasdiqlash haqidagi qonun loyihasi Qonunchilik palatasining yaqinda bo'lib o'tgan majlisida atroflicha ko'rib chiqilib, qabul qilindi va Senatga yuborildi.

Konsepsiyaning qonun bilan tasdiqlanishi bejiz emas. Chunki mamlakatimizda konfessiyalararo va

millatlararo totuvlik, o'zaro hurmat muhiti qadriyat darajasiga ko'tarilgan bo'lib, uning huquqiy asosi yanada mustahkamlanayotgani bugungi tahlikali zamonada, ayniqsa, dolzarb ahamiyat kasb etadi. Zero, Asosiy Qonunimizda fuqarolar jinsi, irqi, millati, tili, dini, e'tiqodi, ijtimoiy kelib chiqishi, ijtimoiy mavqaidan qat'i nazar, teng huquqli ekanligi belgilanib, ularning vijdon erkinligi, tili, urf-odatlari va an'analari hurmat qilinishi, diniy tashkilotlar davlatdan ajratilganligi hamda qonun oldida tengligi kafolatlangan.

Qonun ijodkorligi

Konstitutsiyaviy mezonlar ro'yobi

Yangi tahrirdagi Konstitutsiyamizning 1-moddasida O'zbekistonning dunyoviy davlat sifatida belgilangan jamiyatimizning izchil va barqaror taraqqiyotini, turli konfessiyalar o'rtasida bag'rikenglik va totuvlikni ta'minlashga yo'l ochmoqda. Asosiy Qonunimizning 35-moddasiga muvofiq esa hamma uchun vijdon erkinligi kafolatlanadi. Har kim xohlagan dinga e'tiqod qilish yoki hech qaysi dinga e'tiqod

qilmaslik huquqiga ega. Diniy qarashlarni majburan singdirishga yo'l qo'yilmaydi. Shu o'rinda, O'zbekistonda vijdon erkinligini ta'minlash yo'nalishidagi munosabatlarni tartibga solishning normativ-huquqiy asoslarini shakllantirish o'tgan asrning 90-yillarida boshlanganini qayd etish joiz.

Xususan, 1991-yil 14-iyunda "Vijdon erkinligi va diniy tashkilotlar to'g'risida"gi Qonun imzolandi. U 1998 va 2021-yillarda yangi tahrirda qabul qilindi. Mazkur qonun

turli dinlarga e'tiqodda bo'lgan fuqarolar va diniy tashkilotlar, shuningdek, din va davlat o'rtasidagi munosabatlarni tartibga solib kelmoqda.

Ahamiyatli, so'nggi sakkiz yil davomida davlatimiz rahbarining qat'iy siyosiy irodasi bilan vijdon erkinligining konstitutsiyaviy huquqini ro'yobga chiqarish, ziyoratgohlar va muqaddas qadamjolarini obodonlashtirish, buyuk ajdodlarning ilmiy merosini o'rganish hamda targ'ib qilish bo'yicha bajarilayotgan ishlar yangicha mazmun va sur'at kasb etdi.



Ko'z o'ngimizdagi o'zgarishlar



BU O'LKADA HAR NARSA BORDIR

Otashqalb shoir Hamid Olimjonning shunday dilbar satrlari jaranglab turgan "O'zbekiston" degan go'zal she'ri o'quvchilik paytimizdayoq yuragimizdan chuqur joy olgan. Ehtimol, yurtga, Vatanga mehr-muhabbat shunday misralar sehiri bilan daryo kabi oqib kirgandır biz tengi avlodlar qalbiga. Bayramlarda ko'ksimizni qabartirib:

Bu o'lkada har narsa bordir, Ko'rmaganlar doim xumordi! — deya qo'shiq qilib kuylaganlarimiz ham hech esimdan chiqmaydi.

Oradan ko'p suvlar oqib — oq-qorani taniy boshlaganimizdan keyin bildikki, chindan ham bu o'lkada yo'q narsaning o'zi yo'q ekan!

Har qadami paxta, chorva, g'alla, pilla, bog'-rog'lar makoni; zamini xazinalar bo'stoni ekan O'zbekiston. Faqat o'zimiz yaxshi bilmas ekanimiz javohirotda bog'ida yashayotganimizni. Ochilmagan qo'riq ekan ona yurtimiz! Mana, masalan, Jizzax.

1

Hamid Olimjon kabi dilbar shoirlarning beshigini tebratgan, Sharof Rashidovdek allomani opichlab katta qilgan bu ajib diyorning tarixi ulkan bir doston. Ptolemey, Plutarx, Pliniy, Yustin, Drayzen, Dionist, Narshaxiy degan ulug' allomalari uning yoshini Rimga tengdir degan bo'lsalar; boshqa moziyshunoslar milodiy 400-yillarda Choch, Sug'diyona, Farg'ona muzofoti oraliq'idagi zaminda Ustrushona nomli davlat bo'lgani, Dizak (Jizzax) mazkur davlatning eng yirik shahriga aylanganini yozib qoldirgan.



YANGILIKLAR xabarlar TAFSILOTLAR

Sara maqolalarni jamlagan kitob

Kecha "Jadid" gazetasi kutubxonasi turkumi ostida "Tilda, fikrda, ishda birlik!" nomli kitob nashr etilgan haqida xabar bergan edik. 19-fevral kuni poytaxtimizda mazkur kitobning taqdimoti bo'lib o'tdi. Unda davlat va jamoat arboblari, adabiyotshunoslar, yozuvchi va shoirlar, olimlar, jurnalistlar, yosh ijodkorlar qatnashdi. Tadbirda Prezidentimiz tashabbusi bilan dunyo yuzini ko'rgan "Jadid" gazetasi ma'rifatparvar bobolarimizning an'analarini davom ettirib, ezgu g'oyalarni, yaratuvchanlik, bunyodkorlik, Vatanga muhabbat va sadoqat tuyg'ularini targ'ib qilib kelayotgani ta'kidlandi. Taqdimotda gazeta faoliyatini yanada rivojlantirish, unda e'lon qilingan maqolalarni to'plam holida nashr etishda qaysi jihatlarga e'tibor qaratish zarurligi haqida mulohazalar, taklif va tashabbuslar bildirildi. Tadbirda O'zbekiston Respublikasi Prezidenti maslahatchisi Xayriddin Sultonov so'zga chiqdi.

Turkiy dunyo shaharsozlari anjumani

Samarqandda Turkiy dunyo muhandislari va me'morlari ittifoqining turkiy dunyo shaharsozligiga bag'ishlangan qurultoyi bo'lib o'tdi. Anjuman doirasidagi "Samarqand - turk dunyosi sivilizatsiya markazi", "Turkiy dunyoda turizm va madaniy meros", "Mahmudxo'ja Behbudiy tavalludining 150-yilligiga bag'ishlangan "Tilda, fikrda va ishda birlik", "Global iqlim o'zgarishlari: Orol dengizi istiqbol" kabi sessiyalarda Turkiy dunyo muhandislari va me'morlari ittifoqiga a'zo davlatlar vakillari, yurtimiz olim hamda mutaxassislari o'z ma'ruza va taqdimotlari bilan ishtirok etdi.

"Milliy qadriyatlar oyligi"

Shu yil mart oyida yurtimizning barcha hududida "Milliy qadriyatlar oyligi" tadbirlari va xalq sayillarini yuqori saviyada tashkil etish ko'zda tutilmoqda.



Madaniyat vazirligidan ma'lum qilishlaricha, bunda milliy liboslar targ'iboti, xalq o'yinlari, badiiy jamoalarning chiqishlari, qo'shiqchilik san'ati, o'lan, lapar, xalq o'yinlari, terma, marosim qo'shiqlari, xalfachilik, baxshichilik va raqs san'ati namunalari, milliy cholg'uchilik san'ati, arqon tortirish, dor o'yinlari, tosh ko'tarish kabi qadimiy o'yinlarimiz, milliy kurash musobaqalariga keng o'rin beriladi.

O'zbek yozuvchilarining asarlari xorij nashrida

O'zbekiston Yozuvchilar uyushmasi axborot xizmati ma'lumotiga ko'ra Rossiyaning Sankt-Peterburg shahrida chiqadigan bosma "Polynya" almanax-jurnalining 4 va 5-sonlarida o'zbek yozuvchilarining asarlari chop etildi. "Polynya"ning 4-sonida yozuvchi M u h a b b a t Yo'ldoshevaning "Sokin tonglar" va Qo'chqor Norqobilning "Nina" nomli hikoyalari e'lon qilindi. "Polynya"ning kitob shaklida maxsus tayyorlangan 5-soni "Qanchalar olis edi bizlardan..." deb nomlangan va Ikkinchi jahon urushida fashizm ustidan qozonilgan g'alabani 80 yilligiga bag'ishlangan. Unda muallif Qo'chqor Norqobilning "Urush", "Etikchalar", "Bir burda non" nomli hikoyalari va adiba Gulnoz Tojiboyevaning "Urushning so'nggi kuni" nomli hikoyasi o'rin olgan.



"Xalq so'zi".

YOSHLAR - VATAN TAYANCHI

Ularga ta'lim-tarbiya berishga bor kuch-g'ayratimizni safarbar etamiz

Prezident Shavkat Mirziyoyevning o'tgan hafta yoshlar bilan muloqotida bildirgan fikrlari, ilgari surgan tashabbus va loyihalari, berilayotgan imtiyozlar yoshlarni yanada faol bo'lishga, mamlakat rivoji va ertangi taraqqiyotga daxldorligini bir necha karra kuchaytirishga, umummilliy harakatga undashi muqarrar. Ochiq'i, yaqin tariximiz davomida yoshlar uchun bunday imkoniyatlar yaratilgani kuzatilmagan, desak, mubolag'a bo'lmaydi. Zero, Prezident bilan suhbatlashgan har bir yigit-qiz kelajakda o'z ortidan millionlab tengdoshlarini ergashtira oladi.

Munosabat



Ma'lumki, o'tgan asrda ma'rifat maydonida yorqin yulduz bo'lgan jadidlar "Millatni uyg'otish - uyg'onganlarning ishi" deya baralla gapirib, yoshlarga ilmu ziyo ulashib, ularning ma'rifatli bo'lishi mamlakat taraqqiyoti uchun nechog'li foydali ekanini so'z va amallarda isbot etganlar. Bugun yoshlarimiz uyg'oq. Ular davlat taraqqiyoti, yangi O'zbekiston farovonligiga hissa qo'shishga shay, kelajakda mustahkam poydevor bo'lish uchun oldingi saflarda turishibdi. Qaysi soha bo'limasi, unda yoshlarning faolligi, zamonaviy tashabbus va loyihalari ko'zga tashlanmoqda. Bugungi yoshlar o'zgacha yondashuv, o'zgacha fikr, o'zgacha yechimlarni taklif qilmoqda. Bu esa, avvalo, tizimli islohotlar, shart-sharoit, imkoniyat va imtiyozlar hosilasidir.

Recessansga faqatgina ta'lim va ilm orqali erishish zarurligi hech qanday isbot talab qilmaydigan tabiiy hodisadir. Birgina yoshlarni oliy ta'lim bilan qamrov darajasi 42 foizga yetgani, magistraturada tahsil olayotgan xotini-qizlarga shartnoma to'lovlari davlat tomonidan qoplab berilayotgani hisobiga talaba qizlar soni 11 karra ko'paygani amaliy harakatlarning yuksak natijasi sifatida e'tirofga sazovor. Shuningdek, yoshlar orasida xorijiy tillarni o'rganishga qiziqish bir necha barobar ortib, bu barcha mehnat va xizmat sohasida, ayniqsa, tijoratda beqiyos ahamiyat kasb etayotgani quvonarlidir. Zero, o'tgan asrda ma'rifatparvar Mahmudxo'ja Behbudiy "Bu zamon tijorat ishi, sanoat va mamlakat ishlari, hatto dini islom va millatga xizmat ilmsiz bo'lmaydur. Zamondan, qonundan xabardor bo'lmoq uchun bizga ikki emas, to'rt til kerak", deya jar solganida qanchalik haq bo'lgan. Eng muhimi, bu boradagi ishlarni kelgusida yanada rivojlantirishga qaratilgan sa'y-harakatlar, imtiyoz va rag'batlar bugungi kunning muhim masalasiga aylangan. Yoshlar bilan muloqot vaqtida Prezidentimizning rahbarlar yoshlarning baralla ovozi-ni eshitishga majbur. Yoshlar buyuk kelajagimizning asosiy bo'g'ini ekanligini tushunmagan rahbar bizning safimizda bo'lishga haqqi yo'q", degan so'zlari har birimiz, ayniqsa, rahbarlar uchun ogohlik qo'ng'irogi bo'lmog'i lozim. Yana bir muhim masala shundan iboratki, bugungi tezkor axborot almashinuvi davrida yosh avlod, jumladan, bolalar uchun milliy kontentni yaratish dolzarb vazifa bo'lib, bunday mediamahsulotlarni bog'cha va maktablardagi ta'lim jarayonlarida namoyish etish orqali yanada ommalashtirish zarurligimizda bolalik davridan boshlab milliy o'zlik, Vatanga sadoqat va undan faxrlanish hissini shakllantirishga munosib hissa qo'shgan bo'lamiz. Boisi hozirgi tahlikali va yangidan-yangi tahdidlar

Kuchayib borayotgan bir sharoitda farzandlarimizning ma'naviy tarbiyasi va mafkuraviy immunitetini kuchaytirish, ularni yot g'oyalardan asrash har birimizdan ulkan mas'uliyat talab etadi. Yoshlarimizda vatanparvarlik ruhini kuchaytirish bo'yicha 10, 11-sinf o'quvchilari o'rtasida boshlangan "Vatan tayanchi" harakati yanada ommalashtirilib, kasb-hunar maktablari, texnikum va xususiy ta'lim tashkilotlarida ham yo'lga qo'yilsa, mard va jasur, Vatan g'ayratli sadoqatli o'g'lonlarni tarbiyalash yana da samaraliroq bo'ladi. Ayniqsa, "Vatan tayanchi" otryadlari o'rtasida "maktab - tuman - viloyat - respublika" darajasida sport musobaqalari va ijodiy tanlovlar tashkil etilishi, shu bilan birga, har bir mahallada yoshlar o'rtasida "mahalla - sektor - tuman - viloyat - respublika" darajasida "Shijoat va g'ayrat" sport o'yinlari o'tkazilishi, g'olib mahallalarga sport inshooti qurib berilishi va zarur anjomlar bilan ta'minlanishi ham muhim natijalarni qo'lga kiritishda ayni muddaodir. Ahamiyatli, "Vatan tayanchi" hamda "Shijoat va g'ayrat" musobaqalari g'oliblariga harbiy oliygo'hariga kirishi uchun tavsiyoma beriladi. Shu o'rinda ta'kidlash lozimki, mamlakatimiz tinchligi va osoyishtaligi, xalqimizning huquq va manfaatlarini munosib himoya qilish muqaddas burch hisoblanib, bu borada Qurolli

Kuchlar va huquqni muhofaza etuvchi organlar tizimining oliy harbiy ta'lim muassasalarida professional kadrlarni tayyorlashga ustuvor ahamiyat qaratilmoqda. Kursantlar, tinglovchi va talabalarni sifatli harbiy ta'lim hamda ilm-fan bilan faol band qilish maqsadida barcha shart-sharoit yaratilib, moddiy-texnik baza tubdan yangilandi hamda zamon talablariga moslashtirildi. Xususan, davlatimiz rahbari qarori asosida mamlakatimiz tinchligi va osoyishtaligiga bo'lgan har qanday tahdidlarning oldini olish hamda jinoyatchilikka qarshi kurashish yo'nalishida yuqori malakali mutaxassislarni tayyorlash tizimini ilg'or xalqaro standartlar asosida takomillashtirish, shuningdek, zamon talablaridan kelib chiqqan holda Qurolli Kuchlar va huquqni muhofaza qiluvchi organlar kadrlari salohiyatini oshirish maqsadida Jamoat xavfsizligi universiteti tashkil etildi. Universitetda ta'lim oluvchilarga zamonaviy bilim, ko'nikma va tajribalarni egallashlari uchun barcha shart-sharoit yaratildi. Bu kabi imkoniyatlar Mudofaa vazirligi, Davlat xavfsizlik xizmati, Favqulodda vaziyatlar vazirligi, Ichki ishlar vazirligi tizimidagi akademiya va institutlarda ham yaratildi. Endilikda esa Prezidentimiz tomonidan harbiy oliygo'harining namunali tinglovchilari uchun "Oliy bosh qo'mondon" davlat stipendiyasi joriy etilayotgani harbiy oliygo'harlar tinglovchilari uchun navbatdagi rag'bat bo'lmog'ida. Bu esa kursant va tinglovchilarni yanada bilimli, o'z mahoratlarni oshirishda faol, tashabbuskor bo'lishga undaydi.

Mirzayusuf RUSTAMBOYEV, Jamoat xavfsizligi universiteti boshlig'i, yuridik fanlar doktori, professor.

REKLAMA

JAMOAMIZ CHORAK FINAL BOSQICHIDA

Shu kunlarda Xitoyning Shenchjen shahrida futbol bo'yicha "U20" Osiyo kubogi bo'lib o'tmoqda. Qit'amizning 16 ta kuchli terma jamoasi turnir g'olibligi hamda yigirma yoshgacha bo'lgan futbolchilar o'rtasida Chilida o'tkaziladigan jahon chempionati yo'llanmasi uchun ham kurash olib boradi. FIFA tasdiqlagan taqvimga ko'ra kichik mundial joriy yilning 27-sentabr - 19-oktabr kunlari uyushtirilishi rejalashtirilgan.



Osiyo kubogining amaldagi g'olibi O'zbekiston yoshlar terma jamoasi Farhod Nishonov murabbiyligida o'z unvonini himoya qilish uchun bahslarni Eron, Indoneziya va Yaman yoshlariga qarshi "S" guruhidan boshladi. Dastlabki tur doirasida terma jamoamiz yamanlik tengdoshlarini kichik hisobda mag'lub etdi - 1:0. M. O'rinboyev 1-bo'limning 26-daqiqasida raqib darvozasini ishg'ol qildi. Shu tariqa ular musobaqadagi ilk 3 ochkoga ega bo'ldi. Ikkinchi turda futbolchilarimiz Indoneziya yoshlar terma jamoasiga qarshi bahs olib bordi. Ushbu bellashuvda vakillarimiz 3:1 hisobida zafar quchib, 6 ochko bilan muddatidan

Sunnatilla ISLOMOV ("Xalq so'zi").

Tibbiyot muassasalari uchun AKT uskunalari ta'minot-montaj, sinovdan o'tkazish va ekspluatatsiyaga topshirish loyihasi bo'yicha tender xabarnomasi

Hamkor davlat: O'zbekiston Respublikasi. Loyihani amalga oshiruvchi tashkilot (LAOT) nomi va manzili: O'zbekiston Respublikasi Sog'liqni saqlash vazirligi (manzil: O'zbekiston Respublikasi, Toshkent shahri, Navoiy ko'chasi, 4-uy). Ariza / taklif topshirish tafsilotlari: arizalarni qabul qilishning oxirgi muddati - 2025-yil 7-aprel (GMT+5 soat 15:00). Takliflarni topshirish uchun manzil: mas'ul shaxs: Nodir Eshnazarov; manzil: Navoiy ko'chasi, 4-uy. Qavat, xona raqami: Sog'liqni saqlash vazirligi, 3-qavat, 50-xona. Shahar: Toshkent. Pochta indeksi: 100011. Davlat: O'zbekiston Respublikasi. Takliflarni topshirish tili: ingliz tili. Taklif talablari: talabgorlar taklifning bitta asl nusxasini va ikkita nusxasini alohida muhrlangan konvertlarda va bitta tashqi konvertga joylashtirishlari kerak. CD yoki flesh-diskdagi o'zgarmas PDF formatidagi elektron versiyasi ham qo'shib taqdim qilinishi yoki bir hafta ichida alohida yuborilishi kerak. Konvertlarda talabgorning tafsilotlari ko'rsatilib, LAOTga yuborilishi zarur. Savdolar jarayoniga havola qilinishi va "Do not open before" ogohlantirishini o'z ichiga olishi joiz. Xato muhrlash yoki belgilash noto'g'ri joylashtirishga yoki erta ochilishiga olib kelishi mumkin, bu uchun LAOT javobgar bo'lmaydi. Loyiha nomi: viloyat va tuman tibbiyot muassasalari uchun axborot-kommunikatsion texnologiyalar (AKT) uskunalari ta'minot-montaj, sinovdan o'tkazish va ekspluatatsiyaga topshirish (Loyiha raqami:45109). Sotib olinadigan shartnoma / lotlarning nomi: yagona lot - "All-in-one (AIO)" shaxsiy kompyuterlar (AiO kompyuterlari) va planshet kompyuterlar. KfW sotib olinadigan shartnomaning xarid raqami: BMZ raqami: 201968544, KfW xarid raqami: 512230. Tender xabarnomasi turi: taklif topshirish uchun e'lon. Loyiha tavsifi / shartnoma mazmuni, kontekst, vaqt jadvali va qo'shimcha ma'lumotlar: "Raqamli sog'liqni saqlash sohasidagi islohotlarni qo'llab-quvvatlash - Elektron Salomatlik" (ELSA) loyihasi raqamlashtirish orqali sog'liqni saqlash xizmatlarining sifati va samaradorligini oshirishdan iborat. ELSA butun O'zbekiston aholisining sog'lig'ini yaxshilashga hissa qo'shishi kutilmoqda. Loyiha maqsadlari, shu jumladan, ushbu shartnoma orqali sog'liqni saqlash muassasalarining texnologik imkoniyatlarini modernizatsiya qilish, sog'liqni saqlashning ilg'or yechimlarini samarali qo'llab-quvvatlashni ta'minlashdan iborat. Ushbu shartnoma AiO kompyuterlarini (9504 dona) va AKT uskunalari taxminan 1700 ta obyektga va planshetlarni (17572 dona) taxminan 1800 ta obyektga yetkazib berish va o'rnatish, barcha zarur tarmoqlarga ulash, yetkazib berilgan uskunaning yaxshi ishlashi, foydalanishga tayyor va internetga kirishini ta'minlashni o'z ichiga oladi. Loyihaning davomiyligi - 8 oy. Talabgorga tovarlarni yetkazib berish uchun 120 kun va asbob-uskunalarni o'rnatish va sozlash uchun yetkazib berish nasasidan keyin 120 kun vaqt beriladi. O'rnatishdan keyin 2 yil faol xizmat ta'minlash talab qilinadi. Tender savdolarining to'liq hujjatlarini ushbu havola orqali yuklab olish mumkin: https://gov.uz/oz/ssv/sections/view/36259 Xizmatlar litsenziyalangan.

O'zbekiston Badiiy akademiyasi Qoraqalpog'iston bo'limi Ko'rgazmalar saroyida Orol muammosiga bag'ishlangan "Biz dengiz o'tlari edik" nomli badiiy ko'rgazma tashkil etildi.

Xalq so'zi Narodnoe slovo. MUASSISLAR: O'zbekiston Respublikasi Oliy Majlisi Qonunchilik palatasi Kengashi O'zbekiston Respublikasi Oliy Majlisi Senati Kengashi. Bosh muharrir O'ktir RAHMAT. 2020-yil 25-martda O'zbekiston Respublikasi Prezidenti Administratsiyasi huzuridagi Axborot va ommaviy kommunikatsiyalar agentligida 0001-raqam bilan ro'yxatga olingan. Nashr indeksi - 229. Buyurtma G-242. 15 479 nusxada bosildi. Hajmi - 2 taqob. Ofset usulida bosilgan. Qog'oq bichimi A-2. Bahosi kelishilgan narxda. Gazetaning haqidagi ma'lumotlarni yuklab olish uchun QR-kodni telefoningiz orqali skaner qiling. TELEFONLAR: Devonxona 71-259-74-51; kotibiyat 71-259-74-53; e'lonlar 71-259-74-55. ISSN 2030-6788. Tahririyatga kelgan qo'lyozmalar taqzir qilinmaydi va muallifga qaytarilmaydi. Gazetaning yetkazib berilishi uchun obunani rasmiylashtirgan tashkilot javobgar. Gazeta tahririyat kompyuter markazida terildi hamda operator M. Begumratov tomonidan sahifalandi. Gazetaning poligrafik jihatdan sifati chop etilishiga "Sharq" nashriyot-matbaa aksiyadorlik kompaniyasi mas'ul. Bosmaxona telefoni: 71-233-11-07. MANZILIMIZ: 100066, Toshkent shahri, Islom Karimov ko'chasi, 55-uy. Navbatchi muharrir N. Ostonov. Musahhif S. Islomov. "Sharq" nashriyot-matbaa aksiyadorlik kompaniyasi bosmaxonasi. Korxonada manzili: Buyuk Turon ko'chasi, 41. O'ZA yakuni - 23.30 Topshirildi - 00.25 1 2 3 4 5 6